



**KVARTALNI
EKONOMSKI TRENDovi
FEDERACIJE BOSNE I
HERCEGOVINE
2Q 2025**

KVARTALNI EKONOMSKI TRENDovi

FEDERACIJE BOSNE I HERCEGOVINE

2Q 2025

SADRŽAJ

LISTA GRAFIKONA.....	4
LISTA TABELA.....	4
IZVRŠNI SAŽETAK.....	5
1. MEĐUNARODNO OKRUŽENJE.....	6
2. REALNI SEKTOR.....	9
2.1. Bruto domaći proizvod.....	9
2.2. Industrijska proizvodnja.....	10
2.3. Građevinarstvo.....	11
2.4. Trgovina.....	12
2.5. Ostale uslužne djelatnosti.....	13
2.6. Turizam.....	14
2.7. Zaposlenost.....	14
2.8. Plate.....	16
3. CIJENE.....	17
4. TRGOVINSKA RAZMJENA FBIH SA INOSTRANSTVOM.....	19
5. FISKALNA POLITIKA.....	21
Javni prihodi.....	21
5.1. Prihodi od indirektnih poreza.....	21
5.2. Prihodi od direktnih poreza.....	22
5.3. Udio javnih prihoda u BDP-u.....	23
5.4. Javni dug.....	23
5.5. Penzije i doprinosi.....	24
6. FINANSIJSKO TRŽIŠTE.....	25
6.1. Profitabilnost banaka.....	25
6.2. Efektivna kamatna stopa.....	25
6.3. Krediti.....	26
6.4. Koncentracija bankarskog tržišta.....	26

LISTA GRAFIKONA

Grafikon 1: Kretanje BDP-a EU i ekonomija sa kojima FBiH ostvaruje najveći udio u izvozu, Q/Q-1.....	6
Grafikon 2: Eurozone Composite PMI indeks (Kompozitni indeks menadžera nabavke).....	6
Grafikon 3: Kretanje cijena u EU i odabranim zemljama (HICP – godišnja stopa promjene) – lijevo; Doprinosa godišnjoj inflaciji Eurozone po grupacijama (u procentnim poenima) - desno.....	7
Grafikon 4: Kretanje cijena energenata na tržištu	7
Grafikon 5: Kretanje cijena industrijskih roba na tržištu.....	8
Grafikon 6: Kretanje EURIBOR kamatnih stopa.....	8
Grafikon 7: Stope realnog rasta, cijene 2015. godine	9
Grafikon 8: Industrija ukupno, januar 2019. - decembar 2024.	10
Grafikon 9: Indeksi proizvodnje u građevinarstvu, kvartalne vremenske serije, ukupno	11
Grafikon 10: Broj noćenja turista	14
Grafikon 11: Administrativni podaci broja zaposlenih, nezaposlenih i promjene u odnosu na isti kvartal prethodne godine	14
Grafikon 12: Stopa aktivnosti, stopa zaposlenosti i stopa nezaposlenosti (desna skala); anketni broj zaposlenih, nezaposlenih i neaktivnih osoba (u hiljadama – lijeva skala)	15
Grafikon 13: Iznos neto, bruto i realne plate	16
Grafikon 14: Kretanje indeksa potrošačkih cijena (CPI)*.....	17
Grafikon 15: Kretanje cijena proizvođača industrijskih proizvoda	18
Grafikon 16: Obim vanjske trgovine Federacije BiH sa inostranstvom (mil. KM).....	19
Grafikon 17: Izvoz i uvoz FBiH po zemljama sa kojima se ostvaruje najveći obim vanjskotrgovinske razmjene	19
Grafikon 18: Prihodi od indirektnih poreza doznačeni FBiH, mil. KM	21
Grafikon 19: Prihodi od direktnih poreza, doprinosa i neporeznih prihoda u FBiH, mil. KM	22
Grafikon 20: Udio javnih prihoda u FBiH u BDP-u, %	23
Grafikon 21: Javni dug u FBiH (mil. KM), udio javnog duga u BDP-u, desna skala	24
Grafikon 22: Isplaćene penzije i doprinosi za PIO (hilj. KM), pokrivenost penzija doprinosima za PIO (%), desna skala	24
Grafikon 23: Neto dobit banaka u FBiH, hilj. KM.....	25
Grafikon 24: Prosječna ponderisana EKS na novoodobrene kredite u FBiH	25
Grafikon 25: Krediti stanovništvu i pravnim licima u FBiH, mlrd. KM	26
Grafikon 26: Koncentracija bankarskog tržišta	27
Grafikon 27: Herfindahlov indeks (kreditni)	27

LISTA TABELA

Tabela 1. Kvartalni bruto domaći proizvod, stope realnog rasta	9
Tabela 2. Industrijska proizvodnja, kvartalne stope promjena, Q/Q-1 (sezonski prilagođene)	10
Tabela 3. Industrijska proizvodnja, kvartalne stope promjena, Q/Q-4 (kalendarski prilagođene)	11
Tabela 4. Proizvodnja u građevinarstvu, kvartalne stope promjena, Q/Q-1 (sezonski prilagođene)	12
Tabela 5. Proizvodnja u građevinarstvu, kvartalne stope promjena, Q/Q-4 (kalendarski prilagođene)	12
Tabela 6. Trgovina na malo, kvartalne stope promjena, Q/Q-1 (sezonski prilagođene).....	12
Tabela 7. Trgovina na malo, kvartalne stope promjena, Q/Q-4 (kalendarski prilagođene).....	13
Tabela 8. Ostale uslužne djelatnosti, kvartalne stope promjena	13

IZVRŠNI SAŽETAK

U ekonomijama zemalja EU27, u drugom kvartalu 2025. godine, zabilježena je stopa rasta BDP-a od 0,2%, što predstavlja niži rast u odnosu na prethodni kvartal (0,5%). Godišnja stopa rasta BDP-a u EU27 iznosila je 1,6% (u odnosu na isti kvartal prethodne godine). Porast aktivnosti, i u proizvodnom i u uslužnom sektoru, doprinio je stabilnosti Kompozitnog indeksa menadžera nabavke u Eurozoni (PMI), koji je na kraju drugog kvartala iznosio 50,6.

U zemljama EU27 zabilježen je blagi rast cijena (2,3% u odnosu na isti kvartal prethodne godine), kao i u državama ključnim izvoznim partnerima FBiH, varirajući od 1,8% u Italiji, do 4,7% u Srbiji. Cijene energenata tokom drugog kvartala 2025. godine bilježe značajniji pad, pri čemu je cijena barela nafte tipa Brent niža za 10,7%, cijena sirove nafte niža za 8,9%, dok je cijena prirodnog gasa niža za 18,3%, u odnosu na prethodni kvartal. Cijene glavnih industrijskih proizvoda na međunarodnom tržištu bilježile su različita kretanja, pri čemu je cijena čelične armature na kraju juna niža za 6,2% u odnosu na prethodni kvartal, dok su cijene bakra i aluminija više za 0,4% i 2,6%, respektivno.

U drugom kvartalu 2025. godine BDP Federacije BiH bilježi realni rast od 2,2% u odnosu na isti period prethodne godine. Nastavljen je pozitivan trend rasta u građevinarstvu, turizmu i ostalim uslužnim djelatnostima i u prometu trgovaca na malo. Blagi rast industrijske proizvodnje od 2,5% ukazuje na relativnu otpornost domaće industrije na globalna tržišna kretanja.

Prosječan broj zaposlenih u drugom kvartalu 2025. godine iznosio je 546.523 osoba, zabilježen je rast zaposlenosti za 0,2% u odnosu na prethodni kvartal, dok je u odnosu na isti kvartal prethodne godine zabilježen pad za 0,3%. Prosječne neto plate su porasle za 16,7% na godišnjem nivou, dok su realne plate, prilagođene inflaciji, zabilježile rast od 12,0% u odnosu na isti period prethodne godine.

Tokom drugog kvartala 2025. godine u FBiH je zabilježen blagi rast potrošačkih cijena. U odnosu na isti mjesec prethodne godine, u junu 2025. godine cijene su u prosjeku porasle za 4,2%. Cijene hrane su porasle za 8,9%, dok su cijene energije i transporta niže za 2,1% i 4,2%, respektivno. U drugom kvartalu 2025. godine zabilježen je rast izvoza FBiH za 5,2% i rast uvoza za 5,4% u odnosu na prethodni kvartal, dok je u odnosu na isti kvartal prethodne godine izvoz povećan za 5,4%, a uvoz za 4,8%.

Ukupni javni prihodi u FBiH u prvom kvartalu 2025. godine zabilježili su rast za 6,9% u odnosu na prethodni kvartal i za 11,6% u odnosu na isti kvartal prethodne godine.


Prihodi od indirektnih poreza su viši za 10,4% u odnosu na prethodni kvartal i za 6,7% u odnosu na isti kvartal prethodne godine. Direktni porezi i doprinosi su porasli za 14,7% u odnosu na isti kvartal prethodne godine. Povećan je deficit u pokrivenosti penzija doprinosima sa -5,6% u prethodnom kvartalu na -9,1%. Ukupan javni dug na kraju drugog kvartala iznosio je 6,42 milijardi KM (18,7% BDP-a).

Finansijsko tržište FBiH, u drugom kvartalu 2025. godine, ostalo je stabilno. Ukupni krediti porasli su na 20,4 mlrd KM. Prosječna efektivna kamatna stopa na novoodobrene kredite iznosila je 3,74%, uz blagi rast. Bankarski sektor zabilježio je pozitivan finansijski rezultat od 158,9 mil. KM.

1. MEĐUNARODNO OKRUŽENJE

Kvartalni podaci EUROSTAT-a pokazuju snažniji rast u prvom kvartalu i slabiji rast u drugom kvartalu 2025. godine. U odnosu na prethodni kvartal, zabilježeno je povećanje BDP-a EU27 za 0,2%, uzrokovano povećanjem međunarodne trgovine prije očekivanog povećanja carina, a potom i smanjenju nakon uvođenja carina (grafikon 1). U poređenju sa istim kvartalom prethodne godine zabilježena je godišnja stopa rasta EU 27 od 1,6%.

Grafikon 1: Kretanje BDP-a EU i ekonomija sa kojima FBiH ostvaruje najveći udio u izvozu, Q/Q-1




Izvor: EUROSTAT

Ekonomska aktivnost u zemljama u koje Federacija Bosne i Hercegovine najviše izvozi u drugom kvartalu bilježila je različita kretanja. Rast BDP-a u drugom kvartalu 2025. godine zabilježen je u Hrvatskoj (1,1%), Srbiji (1,1%) i Sloveniji (0,9%), dok je pad zabilježen u Njemačkoj (-0,2%), Austriji (-0,1%) i Italiji (-0,1%), u odnosu na prethodni kvartal. U poređenju sa istim kvartalom prethodne godine, najveći rast BDP-a zabilježen je u Hrvatskoj (3,4%) i Sloveniji (0,9%), dok pad nije zabilježen ni u jednoj od ovih zemalja.

Kompozitni indeks menadžera nabavke (Purchasing Managers Index – PMI) eurozone tokom drugog kvartala 2025. bilježio je porast i na kraju kvartala iznosio je 50,6, što je u odnosu na kraj prethodnog kvartala niži za 0,3 indeksna poena. Iako najnoviji podaci ukazuju samo na skroman ukupni rast, oni označavaju ekspanziju u posljednja tri mjeseca, potaknutu bržim porastom proizvodnje u proizvodnom i u uslužnom sektoru. Irska je predvodila rangiranje rasta četvrti mjesec zaredom, a slijede je Španija, Italija i Njemačka, dok je Francuska nastavila zaostajati, bilježeći deseti uzastopni mjesecni pad aktivnosti.

Grafikon 2: Eurozone Composite PMI indeks (Kompozitni indeks menadžera nabavke)




Izvor: <https://www.investing.com/economic-calendar/s-p-global-composite-pmi-1491>

Inflacija u zemljama EU (HICP) tokom drugog kvartala 2025. godine i dalje je blaga, pri čemu je na kraju kvartala zabilježena godišnja stopa rasta cijena od 2,3%, za 0,2 p.p. niža u odnosu na kraj istog kvartala prethodne godine. Usluge zadržavaju trend značajnog doprinosa ukupnom rastu cijena (1,51 p.p.), dok kategorije hrana i neenergetski industrijski proizvodi učestvuju sa 0,33 p.p. i 0,13 p.p. respektivno.

Od zemalja sa kojima FBiH ostvaruje najveći obim vanjskotrgovinske razmjene, u Njemačkoj, Hrvatskoj i Austriji u junu mjesecu 2025. godine zabilježena je godišnja inflacija od 2,0%, 4,4% i 3,2%, respektivno, u poređenju sa istim periodom prethodne godine.


Grafikon 3: Kretanje cijena u EU i odabranim zemljama (HICP – godišnja stopa promjene) – lijevo; Dopinos godišnjoj inflaciji Eurozone po grupacijama (u procentnim poenima) - desno



Izvor: EUROSTAT

Tokom drugog kvartala 2025. godine zabilježeno je značajnije smanjenje cijena na međunarodnim tržištima nafte. Cijena barela nafte tipa Brent na kraju drugog kvartala iznosila je 66,74 USD, što je za 10,7% niža u odnosu na kraj prethodnog kvartala (grafikon 4), dok je za 22,9% niža u odnosu na kraj istog kvartala prethodne godine.

Grafikon 4: Kretanje cijena energenata na tržištu




Izvor: <https://tradingeconomics.com>

Cijena sirove nafte na američkom tržištu na kraju prvog kvartala iznosila je 65,11 USD/barel, i za 8,9% je niža u odnosu na prethodni kvartal, a za 21,9% niža u odnosu na kraj istog kvartala prethodne godine. Na evropskom tržištu prirodnog gasa (TTF) na kraju drugog kvartala 2025. godine trgovalo se po cijeni od 33,06 EUR/MW, koja je u odnosu na kraju prethodnog kvartala niža za 18,3%, a u poređenju sa istim periodom prethodne godine niža za 1,1%.

Stabilizacija globalne trgovine tečnim prirodnim gasom, i slabija potražnja za tečnim prirodnim gasom iz Kine, zbog usporavanja njene ekonomije i povećanih američkih tarifa, ostavila je više goriva na raspolaganju Evropi. Osim toga, EU je postigla dogovor o ublažavanju pravila

skladištenja gasa, omogućavajući zemljama da ispune cilj od 90% punjenja između 1. oktobra i 1. decembra, umjesto da ga održavaju tokom cijele sezone.

Grafikon 5: Kretanje cijena industrijskih roba na tržištu




Cijene odabranih industrijskih roba na tržištu tokom drugog kvartala 2025. godine zabilježila su različita kretanja. Cijena bakra na kraju marta iznosila je 5,06 američkih dolara po funti (1 funta = 0,453592 kg), što je u odnosu na kraj prethodnog kvartala viša za 0,4%. Cijena čelične armature na kraju juna mjeseca niža je za 6,2%, dok je cijena aluminija porasla za 2,6%.

Izvor: <https://tradingeconomics.com>

Na sastanku održanom 5. juna 2025. godine, Upravno vijeće Evropske centralne banke je odlučilo sniziti tri ključne kamatne stope 25 baznih poena, a na osnovu ažurirane procjene inflacijskih tokova. Dodatno smanjene ključnih kamatnih stopa odrazilo se i na smanjenje EURIBOR kamatnih stopa. Na kraju drugog kvartala, 12-mjesečni EURIBOR iznosio je 2,072%, što je za 0,234 p.p. niže u odnosu na kraj prethodnog kvartala, dok je 6-mjesečni EURIBOR iznosio 2,049%, što je za 0,287 p.p. niže u odnosu na kraj prethodnog kvartala.

Grafikon 6: Kretanje EURIBOR kamatnih stopa




Izvor: <https://www.euribor-rates.eu/>

2. REALNI SEKTOR

2.1. Bruto domaći proizvod

U drugom kvartalu 2025. godine nastavljen je blagi rast ekonomske aktivnosti u FBiH. To je već 18. kvartal zaredom pozitivne stope kretanja BDP-a.

Grafikon 7: Stope realnog rasta, cijene 2015. godine



Izvor: Federalni zavod za statistiku

U drugom kvartalu 2025. godine, nominalni bruto domaći proizvod iznosio je 9.159,5 mil. KM. Realni rast BDP-a u drugom kvartalu u 2025. godine u odnosu na isti kvartal prethodne godine iznosio je 2,2% (Tabela 1). Posmatrano po područjima KD BiH 2010, a vezano uz komponente koje su najviše utjecale na rast izdvajaju se Poljoprivreda, šumarstvo i ribolov (A) 5,9%, Finansijske djelatnosti i djelatnosti osiguranja (K) 5,4%, Prerađivačka industrija (C) 3,5%, Informacije i komunikacije (J) 3,4% i Građevinarstvo (F) 3,1%.

U drugom kvartalu u 2025. godine u odnosu na isti kvartal prethodne godine nije bilo realnog pada bruto dodane vrijednosti niti u jednoj djelatnosti.

Tabela 1. Kvartalni bruto domaći proizvod, stope realnog rasta

	2022				2023				2024 ¹⁾				2025 ¹⁾			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Nedesezonirani podaci, Q/Q-4	6,5	5,5	3,0	2,0	1,2	0,7	2,3	3,8	4,2	3,6	2,8	1,7	1,4	2,2		
Desezonirani podaci, Q/Q-1	1,6	0,7	-0,4	0,2	0,5	0,6	1,2	1,4	0,9	0,1	0,4	0,4	0,5	0,8		
Finalni trend, Q/Q-1	0,9	0,4	-0,1	0,0	0,3	0,6	1,0	1,1	0,8	0,4	0,3	0,4	0,6	0,7		

1) Procjena


Izvor: Federalni zavod za statistiku

2.2. Industrijska proizvodnja

U drugom kvartalu 2025. godine, obim industrijske proizvodnje¹ u Federaciji BiH bilježi blagi godišnji rast, uz mjesečne oscilacije. Nasuprot tome, industrijska aktivnost u EU pokazuje sporiji rast ili stagnaciju. Ovakav trend sugerira relativnu otpornost domaće industrije, iako je i dalje pod snažnim uticajem evropskih tržišnih kretanja.

Ukupna desezonirana industrijska proizvodnja u FBiH u junu 2025. godine manja je za 0,9% u odnosu na maj 2025. godine što može ukazivati na stagnaciju proizvodne aktivnosti. Kalendarski prilagođena industrijska proizvodnja u FBiH u junu 2025. godine veća je za 3,1% u odnosu na juni 2024. godine (Grafikon 8).

Grafikon 8: Industrija ukupno, januar 2020. - juni 2025.



Izvor: Federalni zavod za statistiku

U drugom kvartalu 2025. godine, u odnosu na prethodni kvartal, ukupna sezonski prilagođena industrijska proizvodnja veća je za 1,3% (Tabela 2). Zabilježen je rast obima industrijske proizvodnje u području Prerađivačke industrije (1,9%), dok je pad zabilježen u područjima Rudarstva (-4,1%) te Proizvodnje i snabdijevanja električnom energijom i plinom (-0,3%).

Tabela 2. Industrijska proizvodnja, kvartalne stope promjena, Q/Q-1 (sezonski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Industrija ukupno	0,8	1,8	-5,1	0,1	-0,2	-1,2	0,6	-5,0	1,3	-2,5	1,3	-1,0	0,7	1,3		
Vađenje ruda i kamena	2,7	4,6	-5,5	-7,7	-3,5	1,4	0,3	-4,6	-0,3	-7,5	10,5	-5,6	2,0	-4,1		
Prerađivačka industrija	3,0	1,0	-4,3	2,0	-1,2	-3,3	2,4	-5,2	1,4	-3,5	-0,1	-0,1	1,2	1,9		
Proiz. i opskrba el. energijom i plin	-9,6	1,4	-9,1	-3,5	6,8	8,4	-8,6	-3,8	3,5	3,0	5,2	-4,9	-0,1	-0,3		

Izvor: Federalni zavod za statistiku

¹ Fizički obim industrijske proizvodnje izražava se indeksom, usklađen je s međunarodnim propisima i izračunava se pomoću Laspeyresove formule

U drugom kvartalu 2025. godine, ukupna kalendarski prilagođena industrijska proizvodnja veća je za 2,5% u odnosu na drugi kvartal 2024. godine (Tabela 3). Zabilježeni rast obima industrijske proizvodnje rezultat je rasta obima proizvodnje u djelatnostima Rudarstvo (2,1%) i Prerađivačka industrija (3,1%), dok je pad zabilježen u Proizvodnji i snabdijevanju električnom energijom i plinom (-0,2%).

Tabela 3. Industrijska proizvodnja, kvartalne stope promjena, Q/Q-4 (kalendarski prilagođene)


	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Industrija ukupno	4,1	4,3	-0,3	-2,9	-3,4	-6,2	-0,5	-5,9	-4,3	-5,5	-4,9	-1,0	-1,5	2,5		
Vađenje ruda i kamena	-7,7	-5,8	-4,0	-6,7	-11,6	-14,9	-9,3	-6,3	-3,4	-12,1	-2,7	-3,8	-1,5	2,1		
Prerađivačka industrija	11,4	6,0	1,5	1,3	-2,5	-6,8	-0,1	-7,4	-4,9	-4,9	-7,3	-2,4	-2,6	3,1		
Proiz. i opskrba el. energijom i plin	-14,8	0,4	-8,6	-19,7	-5,3	1,7	2,2	1,7	-1,1	-6,3	8,1	7,3	3,0	-0,2		

Izvor: Federalni zavod za statistiku

2.3. Građevinarstvo

U strukturi Indeksa za građevinarstvo ukupno² u posmatranom kvartalu, objekti visokogradnje su učestvovali sa 37,8% u ukupnoj građevinskoj aktivnosti, dok su objekti niskogradnje učestvovali sa 62,2%. Indeksi proizvodnje u građevinarstvu nastavljaju stabilan rast. Povoljni pokazatelji za drugi kvartal tekuće godine su nastavak trenda rasta indeksa u građevinarstvu prethodnih kvartala. Ovakva dinamika govori o otpornosti i dugoročnoj pozitivnoj putanji građevinskog sektora.

Grafikon 9: Indeksi proizvodnje u građevinarstvu, kvartalne vremenske serije, ukupno



Izvor: Federalni zavod za statistiku

² Indeks za građevinarstvo ukupno je kompozitni indeks koji se izvodi iz indeksa visokogradnje i niskogradnje i njihovog učešća (strukture) u ukupnoj građevinskoj aktivnosti u posmatranom kvartalu. Indeksi proizvodnje u građevinarstvu usklađeni su sa EU propisima i preporukama o publikovanju indeksa proizvodnje u građevinarstvu. U skladu s tim, proizvodnja u građevinarstvu se prikazuje kvartalnom stopom promjene izračunatom iz desezoniranih indeksa i godišnjom stopom promjene izračunatom iz kalendarski prilagođenih indeksa. Izračunate serije indeksa proizvodnje u građevinarstvu uporedive su s onim koje objavljuje EUROSTAT

Ukupna desezonirana proizvodnja u građevinarstvu u drugom kvartalu 2025. godine, u poređenju sa prethodnim kvartalom, zabilježila je rast od 0,4%. Posmatrano prema vrsti građevinskih objekata, u istom periodu na objektima visokogradnje zabilježen je rast od 0,5%, a na objektima niskogradnje rast od 0,3% (Tabela 4).

Tabela 4. Proizvodnja u građevinarstvu, kvartalne stope promjena, Q/Q-1 (sezonski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Ukupno	-0,4	0,7	0,4	0,1	1,1	0,1	0,7	0,4	0,5	1,0	0,8	0,9	0,5	0,4		
Visokogradnja	-0,1	0,2	0,2	0,3	0,1	0,0	0,2	0,0	0,7	0,8	0,6	0,8	0,4	0,5		
Niskogradnja	-0,7	1,1	0,6	0,0	1,6	0,3	1,1	0,6	0,3	1,2	0,7	1,0	0,6	0,3		

Izvor: Federalni zavod za statistiku

Ukupna kalendarski prilagođena proizvodnja u građevinarstvu u drugom kvartalu 2025. godine veća je za 2,5%, u poređenju sa istim kvartalom 2024. godine. Posmatrano prema vrsti građevinskih objekata, u istom periodu na objektima visokogradnje zabilježen je rast od 2,0%, a na objektima niskogradnje rast od 2,8% (Tabela 5).

Tabela 5. Proizvodnja u građevinarstvu, kvartalne stope promjena, Q/Q-4 (kalendarski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Ukupno	0,7	1,1	1,8	1,1	2,2	1,6	2,2	2,4	1,3	2,3	2,5	3,6	3,5	2,5		
Visokogradnja	0,3	0,2	0,2	0,9	1,3	0,8	0,4	0,1	0,4	1,8	2,1	3,4	2,5	2,0		
Niskogradnja	0,9	1,7	2,9	1,3	2,9	2,1	3,3	3,9	1,8	2,7	2,7	3,7	4,2	2,8		

Izvor: Federalni zavod za statistiku

2.4. Trgovina

Sezonski prilagođeni ukupan promet trgovaca na malo³ – oblast 47 realno je rastao za 4,5% u drugom kvartalu 2025. godine, u odnosu na prethodni kvartal (Tabela 6).

Tabela 6. Trgovina na malo, kvartalne stope promjena, Q/Q-1 (sezonski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Promet trgovaca na malo, nominalno	9,0	3,8	1,4	2,6	1,7	2,0	3,6	1,4	2,1	1,1	0,5	0,7	-2,8	4,9		
Promet trgovaca na malo, realno	4,1	-1,9	-0,3	1,2	1,8	1,5	2,9	1,8	1,7	0,6	1,2	0,2	-2,6	4,5		

Izvor: Federalni zavod za statistiku

³ Indeks prometa trgovine na malo obuhvata aktivnosti preprodaje robe krajnjim potrošačima za ličnu potrošnju ili upotrebu u domaćinstvima. Indeks prikazuje promjene nivoa ostvarenog prometa (nominalne i realne vrijednosti). Primjenjuje se i za procjenu rezultata maloprodajnog sektora, potrošnje stanovništva kao i pri izračunu nacionalnih računa. Nominalni indeksi prikazuju kretanje prometa u tekućim cijenama, a realni indeksi prikazuju kretanje prometa u stalnim cijenama. Realni indeksi dobiveni su deflacioniranjem nominalnih vrijednosti prometa prilagođenim indeksom potrošačkih cijena (CPI-Consumer price Index).

Kalendarski prilagođeni ukupan promet trgovaca na malo - oblast 47 realno je rastao za 3,5% u drugom kvartalu 2025. godine, u odnosu isti kvartal 2024. godine (Tabela 7).

Tabela 7. Trgovina na malo, kvartalne stope promjena, Q/Q-4 (kalendarski prilagođene)

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Promet trgovaca na malo, nominalno	20,9	21,3	14,5	17,5	10,0	8,1	9,9	9,1	9,4	8,8	5,0	4,6	-1,4	3,7		
Promet trgovaca na malo, realno	11,1	5,9	-0,7	3,2	0,7	4,8	7,1	8,5	7,8	7,8	5,5	4,3	-2,4	3,5		

Izvor: Federalni zavod za statistiku

Ukupan izvorni neprilagođeni promet od trgovine na malo u junu 2025. u odnosu na juni 2024. godine porastao je za 2,1%. Najveći uticaj na rast nominalnog neprilagođenog prometa u junu 2025. u odnosu na juni 2024. godine imale su: Motorna goriva i maziva u iznosu od 9,2% i uticajem od 2,3; Ostale nespecijalizirane prodavnice/prodavaonice 10,7% i uticajem od 1,0%; Željezna roba, boje, staklo i ostali građevinski materijal 11,1% i uticajem od 0,7%.

2.5. Ostale uslužne djelatnosti

U drugom kvartalu 2025. godine, ukupni sezonski prilagođeni promet ostalih uslužnih djelatnosti⁴ rastao je za 0,2%, u odnosu na prethodni kvartal (Tabela 8). Za isti period, sezonski prilagođeni promet u području I – Hotelijerstvo i ugostiteljstvo bilježi rast od 9,9%.

Kalendarski prilagođeni ukupan promet ostalih uslužnih djelatnosti u drugom kvartalu 2025. godine bilježi rast od 8,3% u odnosu na isti kvartal 2024. godine (Tabela 8). Najveći rast kalendarski prilagođenog prometa zabilježen je u području I – Hotelijerstvo i ugostiteljstvo od 21,8% u odnosu na isti kvartal prethodne godine.

U ukupnom prometu ostalih uslužnih djelatnosti, najveće učešće ostvareno je u području J – Informacije i komunikacije (43,6%) i području M - Stručne, naučne i tehničke djelatnosti (24,7%). Učešće svih ostalih djelatnosti je 31,7%.

Tabela 8. Ostale uslužne djelatnosti, kvartalne stope promjena

	2022				2023				2024				2025			
	Q1	Q2	Q3	Q4	Q1	Q2	Q3	Q4	Q1	Q2	Q3	Q4	Q1	Q2	Q3	Q4
Desezonirani podaci, Q/Q-1	9,0	4,9	7,1	0,2	4,6	-0,3	4,1	-0,4	9,3	0,4	2,3	4,8	0,9	0,2		
Nedesezonirani podaci, Q/Q-4	23,3	25,0	22,0	22,6	16,9	12,1	8,9	7,5	12,7	14,7	12,4	16,6	8,3	8,3		


Izvor: Federalni zavod za statistiku

⁴ Jedinice posmatranja ostalih uslužnih djelatnosti su su poslovni subjekti sa glavnom (pretežnom) djelatnošću u oblasti H53 - Poštanske i kurirske djelatnosti i područjima I – Djelatnosti pružanja smještaja te pripreme i usluživanja hrane (hotelijerstvo i ugostiteljstvo); J – Informacije i komunikacije; M – Stručne, naučne i tehničke djelatnosti (isključujući granu 70.1 i oblasti 72 i 75) i N – Administrativne i pomoćne uslužne djelatnosti. Prati se promet u redovnoj kvartalnoj periodici. Promet obuhvata vrijednost svih prodatih usluga i roba na tržištu u bez obzira na to jesu li naplaćene i nezavisno od toga od koje djelatnosti je ostvaren. Iz prometa se isključuje porez na dodanu vrijednost (PDV), prodaja osnovnih sredstava, te drugi vanredni i finansijski prihodi.

2.6. Turizam

Ukupan broj noćenja turista u drugom kvartalu 2025. godine iznosio je 800.104, što je za 4,3% više u odnosu na drugi kvartal 2024. godine, i u odnosu na prethodni kvartal više za 102,4%. Učešće domaćih turista u noćenjima iznosilo je 22,9%, i stranih turista 77,1%.

Grafikon 10: Broj noćenja turista



Izvor: Federalni zavod za statistiku


2.7. Zaposlenost

Kvartalni podaci o tržištu rada u Federaciji Bosne i Hercegovine ukazuju na blagi rast zaposlenosti uz nastavak smanjenja broja nezaposlenih, ali i izraženu strukturnu nezaposlenost. Početak primjene povećane minimalne plate u iznosu 1.000 KM od 1. januara 2025. godine predstavljao je važan ekonomsko-socijalni impuls, što se odrazilo na kretanje prosječne plate. Administrativni i anketni pokazatelji potvrđuju stabilnost participacije radne snage. Istovremeno, rast prosječnih plata, potaknut regulativnim mjerama, rezultirao je i značajnim povećanjem realne kupovne moći uprkos inflatornim pritiscima.

U periodu od 2022. do 2025. godine, prema administrativnim podacima, broj zaposlenih lica porastao je za 1,9%, dok je broj nezaposlenih smanjen za 11,8%. Navedena razlika u intenzitetu promjena ukazuje na to da smanjenje nezaposlenosti nije rezultat isključivo porasta zaposlenosti, već i drugih faktora koji utiču na kretanje broja nezaposlenih. Značajan dio osoba je tokom navedenog perioda izašao iz evidencije nezaposlenih bez da su zasnovali radni odnos.

Prema administrativnim podacima Federalnog zavoda za statistiku, prosječan broj zaposlenih u drugom kvartalu 2025. godine iznosio je 546.523 osoba. U poređenju s prethodnim kvartalom zabilježen je rast broja zaposlenih za 1.229, odnosno 0,2%, dok je u odnosu na isti kvartal prethodne godine evidentirano smanjenje zaposlenih osoba za 1.811, što predstavlja smanjenje od 0,3%.

Grafikon 11: Administrativni podaci broja zaposlenih, nezaposlenih i promjene u odnosu na isti kvartal prethodne godine



Izvor: Federalni zavod za statistiku

Istovremeno, prosječan broj nezaposlenih⁵ osoba u drugom kvartalu 2025. godine iznosio je 254.034. Ovaj broj je u poređenju s prethodnim kvartalom manji za 4.641, odnosno za 1,8%. U poređenju sa istim kvartalom prethodne godine, broj nezaposlenih je manji za 4.070 ili za 1,6%.


Prema anketnim podacima Federalnog zavoda za statistiku, stopa aktivnosti radno sposobnog stanovništva u Federaciji BiH u drugom kvartalu 2025. godine iznosila je 49,4%. U odnosu na prethodni kvartal zabilježen je blagi porast od 0,2 p.p., dok je u poređenju s istim kvartalom prethodne godine stopa aktivnosti na istom nivou.

Stopa zaposlenosti u drugom kvartalu 2025. godine iznosila je 42,3%. U poređenju s prethodnim kvartalom veća je za 0,3 p.p., dok je u odnosu na isti kvartal prethodne godine evidentirano povećanje od 0,4 p.p.

Stopa nezaposlenosti iznosila je 15,6%, što predstavlja povećanje u odnosu na prethodni kvartal za 1,0 p.p. U poređenju sa istim kvartalom prethodne godine, ova stopa je veća za 0,4 p.p.

⁵ Administrativni podaci broja zaposlenih i nezaposlenih prema evidenciji FZS i FZZZ.

Grafikon 12: Stopa aktivnosti, stopa zaposlenosti i stopa nezaposlenosti (desna skala); anketni broj zaposlenih, nezaposlenih i neaktivnih osoba (u hiljadama – lijeva skala)




Izvor: Federalni zavod za statistiku

2.8. Plate

Prosječna mjesečna neto plata u junu 2025. godine iznosila je 1.577 KM, dok je prosječna bruto plata u istom mjesecu iznosila 2.458 KM. U odnosu na isti period prethodne godine, prosječna neto plata veća je za 226 KM, odnosno za 16,7%.

Grafikon 13: Iznos neto, bruto i realne plate



Izvor: Federalni zavod za statistiku

Realna plata⁶, u junu 2025. godine iznosila je 1.203 KM, što predstavlja povećanje od 129 KM, odnosno 12,0% u odnosu na isti mjesec prethodne godine. Na mjesečnom nivou, prosječne nominalne neto i bruto plate rastle su za 1,0%. Istovremeno, realna plata bilježi mjesečni rast po stopi od 0,7% (Grafikon 13)


⁶ Neto plata prilagođena stopi inflacije, izračunata pomoću indeksa potrošačkih cijena (CPI bazna godina 2015.)

3. CIJENE

Tokom drugog kvartala 2025. godine u FBiH u zabilježen je blagi rast potrošačkih cijena. Posmatrano u odnosu na prethodni mjesec, u aprilu 2025. godine cijene su u prosjeku porasle za 0,2%, u maju 2025. godine cijene su rasle za 0,1%, dok je u junu zabilježen rast cijena za 0,5%. Posmatrano po odjeljcima koji imaju najveću relativnu važnost, u junu 2025. godine zabilježeno je povećanje cijena hrane za 0,1%, dok su cijene energije i transporta porasle za 0,5% i 1,2%, respektivno.

U odnosu na isti mjesec prethodne godine, u junu 2025. godine cijene su u prosjeku porasle za 4,2%, cijene hrane su porasle za 8,9%, dok su cijene energije i transporta niže za 2,1% i 4,2% respektivno.

Grafikon 14: Kretanje indeksa potrošačkih cijena (CPI)*




Izvor: Federalni zavod za statistiku

*Lijevo – promjene u odnosu na isti kvartal prethodne godine (posljednji mjesec u kvartalu, bazna godina 2015)

Desno – promjene u odnosu na prethodni mjesec (bazna godina 2015)

Cijene proizvođača industrijskih proizvoda u junu 2025. godine su u prosjeku zabilježile rast od 1,5% u odnosu na isti mjesec prethodne godine. Cijene energije porasle su za 8,4%, kapitalnih proizvoda za 2,8%, trajnih i netrajnih proizvoda za široku potrošnju za 0,2% i 4,5% respektivno, dok su cijene intermedijarnih proizvoda smanjene za 3,9%.

Grafikon 15: Kretanje cijena proizvođača industrijskih proizvoda




Izvor: Federalni zavod za statistiku

4. TRGOVINSKA RAZMJENA FBIH SA INOSTRANSTVOM

Federacija BiH je u drugom kvartalu 2025. godine zabilježila rast izvoza i uvoza u odnosu na prethodni kvartal. Ukupan izvoz u drugom kvartalu 2025. godine iznosio je 2,92 mlrd. KM, što je više za 145,2 mil. KM ili za 5,2 %, dok je ukupan uvoz iznosio 5,33 mlrd. KM, što je više za 273,5 mil. KM ili 5,4%. Time je vanjskotrgovinski deficit povećan za 128,3 mil. KM u odnosu na prethodni kvartal.


Grafikon 16: Obim vanjske trgovine Federacije BiH sa inostranstvom (mil. KM)



Izvor: Federalni zavod za statistiku

Posmatrano po zemljama sa kojima FBiH ostvaruje najveći udio robne razmjene, u drugom kvartalu 2025. godine najviše je izvezeno u Njemačku (491,6 mil. KM), što je za 18,3 mil. KM ili 4,0% više u odnosu na prethodni kvartal, te u Hrvatsku (468,46 mil. KM), za 11,1 mil. KM ili 2,3% više u odnosu na prethodni kvartal. Smanjenje izvoza u drugom kvartalu 2025. godine zabilježeno je jedino prema Srbiji (za 17,3 mil. KM ili 7,6%) u odnosu na prethodni kvartal.

Grafikon 17: Izvoz i uvoz FBiH po zemljama sa kojima se ostvaruje najveći obim vanjskotrgovinske razmjene



Izvor: Federalni zavod za statistiku

Najveći uvoz FBiH u drugom kvartalu 2025. godine ostvaren je iz Njemačke, u vrijednosti od 614,7 mil. KM, za 45,5 mil. KM ili 8,0% više u odnosu na prethodni kvartal. Povećanje uvoza ostvareno

je i iz Kine za 7,8% (ukupan uvoz 559,5 mil. KM), Italije za 8,5% (uvoz ukupno 557,3 mil. KM), dok je uvoz iz Hrvatske smanjen za 4,7% (ukupan uvoz 510,8 mil. KM).

U odnosu na drugi kvartal prethodne godine, ukupan izvoz veći je za 149,9 mil. KM ili za 5,4%, dok je uvoz veći za 244,2 mil. KM ili 4,8%. Posmatrano po zemljama, u odnosu na isti kvartal prethodne godine smanjenje izvoza zabilježeno je prema Italiji za 13,2 mil. KM ili 6,7%, dok je prema ostalim najznačajnijim izvoznim partnerima zabilježen porast izvoza, i to prema Njemačkoj za 5,4 mil. KM ili 1,1%, Austriji za 0,7 mil. KM ili 0,2%, Sloveniji za 6,9 mil. KM ili 3,2%, Srbiji za 10,8 mil. KM ili 5,4% i Hrvatskoj za 81,2 mil. KM ili 17,8%.

Značajno povećanje uvoza ostvareno iz Hrvatske za 131,4 mil. KM ili 34,6%, Njemačke za 32,9 mil. KM ili 5,7% i Kine za 73,5 mil. KM ili 15,1%, dok je najveće smanjenje uvoza u odnosu na drugi kvartal prethodne godine ostvareno je iz Italije za 134,5 mil. KM ili 19,4%.

5. FISKALNA POLITIKA

Javni prihodi

Javnim приходima smatraju se porezni prihodi, doprinosi, neporezni prihodi i ostali prihodi⁷. Prikupljenim javnim приходima vrši se finansiranje javne potrošnje Federacije BiH, kantona, jedinica lokalne samouprave, vanbudžetskih fondova, nadležnih tijela za ceste i ostalih korisnika javnih prihoda u Federaciji BiH.

Ukupni javni prihodi u drugom kvartalu 2025. godine u FBiH iznose 3.624,2 mil. KM, što predstavlja rast za 232,8 mil. KM ili 6,9% u odnosu na prethodni kvartal i rast za 376 mil. KM ili 11,6% u odnosu na isti kvartal prethodne godine.


5.1. Prihodi od indirektnih poreza

Ukupno raspoređeni prihodi od indirektnih poreza FBiH u drugom kvartalu 2025. godine iznose 1,34 mil. KM, što je više za 126 mil. KM ili 10,4% u odnosu na prethodni kvartal, a više za 84,1 mil. KM ili 6,7% u odnosu na isti kvartal prethodne godine.

Od ukupnih alociranih prihoda za FBiH, raspoloživa sredstva nakon otplate vanjskog duga iznose 1,095 mlrd. KM, što je više za 173 mil. KM ili 18,7% u odnosu na prethodni kvartal, a više za 112 mil. KM ili 11,4% u odnosu na isti kvartal prethodne godine.

Sredstva namijenjena za otplatu vanjskog duga te sredstva po osnovu posebne cestarine za izgradnju autocesta i drugih cesta iznose 184 mil. KM i 61 mil. KM, respektivno.

Grafikon 18: Prihodi od indirektnih poreza doznačeni FBiH, mil. KM



Izvor: Uprava za indirektno oporezivanje BiH

⁷ Ostali prihodi utvrđeni zakonima i drugim propisima Bosne i Hercegovine, Federacije BiH, kantona i jedinica lokalne samouprave

5.2. Prihodi od direktnih poreza


Prema podacima Porezne uprave FBiH, u drugom kvartalu 2025. godine naplaćeni su javni prihodi u ukupnom iznosu od 2.283,7 mil. KM, što je više za 106,3 mil. KM ili 4,9% u odnosu na prethodni kvartal. U odnosu na isti kvartal prethodne godine, ukupni javni prihodi veći su za 292,4 mil. KM ili 14,7%. Najveće učešće u ukupnoj naplati ima Kanton Sarajevo (36,9%), a najmanje Posavski kanton (1,05%).

Od ukupno naplaćenih prihoda Porezne uprave FBiH, najveći udio imaju prihodi od doprinosa⁸ (69,3%). Ukupni doprinosi u drugom kvartalu 2025. godine iznose 1.583,6 mil. KM, što predstavlja rast za 81,2 mil. KM ili 5,4% u odnosu na prethodni kvartal. U odnosu na isti kvartal prethodne godine, prihodi od doprinosa bilježe rast u iznosu od 217,8 mil. KM ili 15,9%.

Prihodi od direktnih poreza⁹ iznose 488,9 mil. KM i viši su u odnosu na prethodni kvartal za 37,3 mil. KM ili 8,2%. Prihodi od taksij, naknada, kazni i članarina iznose 210,1 mil. KM i, u odnosu na prethodni kvartal, niži su za 12,4 mil. KM ili 5,6%.

U strukturi prihoda od doprinosa najveći udio imaju prihodi od doprinosa za PIO (55,7%), a iznose 882,2 mil. KM. U strukturi prihoda od direktnih poreza najveći udio imaju prihodi od poreza na dohodak (50,6%), a iznose 233,1 mil. KM.

Grafikon 19: Prihodi od direktnih poreza, doprinosa i neporeznih prihoda u FBiH, mil. KM



Izvor: Porezna uprava FBiH

⁸ Doprinosi za PIO, doprinosi za zdravstveno osiguranje, doprinosi za slučaj nezaposlenosti.

⁹ Porez na dohodak, na dobit, porez na promet nepokretnosti, porez na imovinu.


5.3. Udio javnih prihoda u BDP-u

Ukupni javni prihodi u FBiH u drugom kvartalu 2025. godine čine 39,6% BDP-a. U prethodnom kvartalu ovaj udio je iznosio 40%.

U ukupnom finansiranju javne potrošnje FBiH, prihodi od indirektnih poreza¹⁰ učestvuju sa 14,6% BDP-a, dok prihodi od direktnih poreza učestvuju sa 5,3% BDP-a.

Doprinosi čine 17,3% BDP-a, a prihodi od taksi, naknada, kazni i članarina čine 2,3% BDP-a.

Grafikon 20: Udio javnih prihoda u FBiH u BDP-u, %



Izvor: Uprava za indirektno oporezivanje BiH, Porezna uprava FBiH, Federalni zavod za statistiku
Obrada: FZZPR

5.4. Javni dug

Ukupan vanjski i unutrašnji dug u Federaciji BiH sa stanjem na dan 30.06.2025. godine iznosi 6.415,48 mil. KM. Od ukupnog duga, 72,85% odnosi se na vanjski (4.673,94 mil. KM¹¹), a 27,15% na unutrašnji dug (1.741,54 mil. KM).


Poredeći sa stanjem ukupnog duga na dan 31.03.2025. godine, bilježi se pad vanjskog duga za 201,12 mil. KM, a rast unutrašnjeg duga za 175,32 mil. KM, što u konačnici rezultira blagim padom ukupnog duga za 25,8 mil. KM ili 0,4%.

Udio ukupnog javnog duga u BDP-u u posljednjem periodu ima opadajući trend. Na dan 30.06.2025. godine iznosi 18,7%, što je na skoro istom nivou kao i prethodnog kvartala, a niže za 0,24 p.p. u odnosu na kraj 2024. godine i niže za 7 p.p. u odnosu na kraj 2022. godine.

¹⁰ Ukupno raspoređeni prihodi FBiH.

¹¹ U ukupnom vanjskom dugu obuhvaćen je i dug krajnjih korisnika kredita na koje je supsidijarno preneseno vanjsko zaduženje.

Grafikon 21: Javni dug u FBiH (mil. KM), udio javnog duga u BDP-u, desna skala



Izvor: Federalno ministarstvo finansija, Federalni zavod za statistiku
Obrada: FZZPR


5.5. Penzije i doprinosi

Ukupni iznos isplaćenih penzija¹² bilježi rast u drugom kvartalu 2025. godine u odnosu na prethodni kvartal.

Poredeći iznos isplaćenih penzija i naplaćenih doprinosa za PIO/MIO, primjetan je kontinuiran nedostatak u pokrivenosti penzija doprinosima. Trend pokrivenosti je bio pozitivan u periodu od drugog kvartala 2024. do prvog kvartala 2025. godine, odnosno pokrivenost se povećavala, a deficit smanjivao. Naime, procenat pokrivenosti je rastao od 86,3% u drugom kvartalu 2024. godine, do 94,4% u prvom kvartalu 2025. godine. Deficit se u tom periodu smanjio sa 121,6 mil. KM na 49,9 mil. KM.

Procenat pokrivenosti se u izvještajnom kvartalu smanjio u odnosu na prethodni kvartal, te iznosi 90,9%. Nedostatak sredstava, odnosno deficit, iznosi 87,9 mil. KM.

Grafikon 22: Isplaćene penzije i doprinosi za PIO (hilj. KM), pokrivenost penzija doprinosima za PIO (%), desna skala



Izvor: Federalni zavod za PIO/MIO, Porezna uprava FBiH; Obrada: FZZPR

¹² Redovne i zaostale penzije.


6. FINANSIJSKO TRŽIŠTE

6.1. Profitabilnost banaka

Profitabilnost bankarskog sektora u FBiH, kao i pojedinačnih banaka u sektoru, posmatra se u kontekstu održivosti, odnosno stabilnosti nivoa i kvaliteta zarade i jačanja kapitalne osnove putem zadržane dobiti.

U 2. kvartalu, na nivou bankarskog sektora u FBiH, iskazan je pozitivan finansijski rezultat u iznosu od 158,9 mil. KM, što je za 2,7 mil. KM ili 1,7% manje u odnosu na isti kvartal prethodne godine. Sve banke sa sjedištem u FBiH iskazale su pozitivan finansijski rezultat.

Grafikon 23: Neto dobit banaka u FBiH, hilj. KM




Izvor: Agencija za bankarstvo FBiH

6.2. Efektivna kamatna stopa

Ukupna prosječna ponderisana efektivna kamatna stopa (EKS) na novoodobrene kredite sa 30.06.2025. godine u bankarskom sektoru FBiH iznosi 3,74%, što predstavlja blagi rast za 0,02 p.p. u odnosu na 30.06.2024. godine. Posmatrano prema sektorskoj strukturi, prosječna ponderisana EKS¹³ na ukupne novoodobrene kredite privredi povećana je za 0,1 p.p. (sa 2,7% na 2,8%), a stanovništvu smanjena za 0,28 p.p. (sa 6,73% na 6,45%).

Grafikon 24: Prosječna ponderisana EKS na novoodobrene kredite u FBiH



Izvor: Agencija za bankarstvo FBiH


¹³ Prilikom analize trenda kamatnih stopa, relevantno je pratiti kretanje prosječne ponderisane EKS, obzirom da uključuje sve troškove koje korisnik plaća.

6.3. Krediti

Ukupni odobreni krediti sa 30.06.2025. godine iznose 20,4 mlrd. KM, što predstavlja povećanje za 1,3 mlrd. KM u odnosu na kraj 2024. godine. Krediti stanovništvu iznose 10,1 mlrd. KM, a pravnim licima 10,3 mlrd. KM, što predstavlja povećanje za 587,5 mil. KM i 682,4 mil. KM u odnosu na kraj 2024. godine, respektivno.

Posmatrajući prethodne tri godine, bilježi se rast iznosa ukupnih kredita, uz konstantan odnos kredita datih stanovništvu i pravnim licima.

Grafikon 25: Krediti stanovništvu i pravnim licima u FBiH, mlrd. KM



Izvor: Agencija za bankarstvo FBiH

6.4. Koncentracija bankarskog tržišta


Nivo koncentracije bankarskog tržišta je pokazatelj stepena konkurentnosti u bankarskom sektoru. CR je pokazatelj koncentracije u bankarskom sektoru i predstavlja ukupno učešće najvećih banaka u sektoru.¹⁴

Koncentracijska stopa tržišnog učešća pet najvećih banaka (CR5) iznosi 70,3 i blago je povećana u odnosu na prethodni kvartal, kada je iznosila 70,0.

Najveći skok u koncentraciji zabilježen je u četvrtom kvartalu 2022. godine, kada je i smanjen broj komercijalnih banaka sa 14 na 13.

¹⁴ Koncentracijska stopa CR se označava prema broju banaka koje se uključuju u izračun. Što je veća vrijednost koncentracijskog omjera, to je veća koncentracija tržišta.


Grafikon 26: Koncentracija bankarskog tržišta



Izvor: Agencija za bankarstvo FBiH

Herfindahlov indeks koncentracije kredita u drugom kvartalu 2025. godine iznosi 1.300, što ukazuje na blagu koncentraciju.¹⁵ Bilježi se blagi trend rasta koncentracije od 3. kvartala 2024. godine. Najveća koncentracija kredita zabilježena je u prvom kvartalu 2023. godine, kada je iznosila 1.343.

Grafikon 27: Herfindahlov indeks (kreditu)



Izvor: Agencija za bankarstvo FBiH

¹⁵ Za vrijednost indeksa manje od 1000, smatra se da na tržištu nije prisutna koncentracija, za vrijednost između 1000 i 1800 da je prisutna umjerena koncentracija, a za vrijednost iznad 1800 da postoji visoka koncentracija.